

**Санкт-Петербургская
православная духовная академия
Архив журнала «Христианское чтение»**

П.С. Смирнов

Начало безпоповщинской полемики по вопросу о браке

*Опубликовано:
Христианское чтение. 1906. № 11. С. 669-695.*

© Сканирование и создание электронного варианта:
Санкт-Петербургская православная духовная академия
(www.spbda.ru), 2009. Материал распространяется на основе
некоммерческой лицензии [Creative Commons 3.0](#) с указанием
авторства без возможности изменений.



СПбПДА
Санкт-Петербург
2009

Начало беспоповщинской полемики по вопросу о бракѣ *).

Посланіе польскихъ єедосѣвцевъ къ поморцамъ о бракѣ ¹).

МНОГОЧАСТНѢ и многообразнѣ, имъ же образомъ желаетъ елень на источники водныя—сице желала и желаетъ душа наша тщатися блости единеніе духа въ союзѣ мира, имъ же едино тѣло и единъ духъ. Якоже бо звани быхомъ апостоломъ во единомъ упованіи званія нашего: единъ Господь, едина вѣра, едино крещеніе, единъ Богъ и Отецъ всѣмъ, иже надъ всѣми нами, та-
кожде и надъ сѣверными странами, елицы близъ окіянскія
пучини Божія ради любви жительствующе ²), ихъ же нынѣ
даде Богъ овы благовѣстники, овы же пастыри и учители къ
совершенію святымъ ³) въ дѣло служенія, въ созиданіе тѣла
Христова, дондеже достигнемъ вси въ соединеніе вѣры и
въ разумъ Сына Божія, въ мужа совершенна въ мѣру воз-
раста исполненія Христова.

Въ началѣ духовному настоятелеви еже о Христѣ общаго
братства Даніилу Викуличу и по немъ второму правителеви
учительными словесы Андрею Діонисіевичу и со всѣми про-
чими учительными людьми и еже о Христѣ съ братію, та-

*) Окончаніе. См. сентябрь.

¹) Рукопись А. И. Хлудова, нынѣ Никольского Единовѣрческаго монастыря въ Москвѣ № 350, лл. 1—29 об. Здѣсь посланіе не имѣть надписи, но въ концѣ есть приписка: „списано 1823 года. мѣсяца ноября, писаль Захарь Федоровъ Бронинъ. Варіавты отмѣчаемъ по двумъ спискамъ Олонецкой духовной семинаріи № 1691: а) кн. 1, гл. 2 и б) кн. 2, гл. 2. Въ обоихъ имѣется надписаніе: „Писаніе честнаго отца Феодосія Васильевича къ честнѣйшему отцу Андрею Діонисіевичу съ прочими“.

²) 1691₂ сожительствующе

³) 1691₁: святыхъ

кажде и повсюду въ васъ иночествующимъ пустыножителемъ и учителемъ, и всякаго возраста христіанскаго сословія рачителемъ, въ нихъ же православіе хранится и христіанство соблюдаются,—отъ грѣшнаго и неключимаго во общемъ житіи совѣщателя и отъ всей ми еже о Христѣ братіи, учителныхъ христіанъ¹⁾, стократное поклоненіе и о Христѣ цѣлованіе, во общую радость, аминь.

Изволися вамъ нынѣ, о блаженніи,—якоже рекосте, —отъ любви Божія совокупитися и собратися соборнѣ, не только вамъ, но и изъ Понизовыхъ городовъ учителнымъ подемъ, и радоватися и зѣло возрадоватися вамъ огнемъ любовнымъ, якобы о преспѣяніи нашего праваго благочестія; и паки да якобы тая же любовь, глаголете, и еще возжгла и понудила васъ писати къ намъ,—аще мнится и отъ благаго быти предложенія, но въ лице намъ съ поношеніемъ,—соборное свое посланіе. И азъ многогрѣшный, аще и малъ сый разумомъ и убогъ смысломъ, но братскою молитвою²⁾ въ той же вѣрѣ святыхъ укрѣпляемъ, пріяхъ въ руку съ любовію соборное ваше къ намъ, грѣшнымъ, посланіе и прочтохъ є со вниманіемъ: и овогда подивихся, а иногда прослезихся, видя такову бѣду вашу, яже о насть. Еже бы³⁾ болѣти и слезити намъ, душою якобы и не любя, или не пріемля наказанія братня. О семъ бо известно и истинно вѣмы: братъ, братомъ вразумляемъ, яко градъ твердый бываетъ. Но здѣ показася и явися намъ, яко не токмо кому утверждается, но и все зданіе, и съ основаніемъ,—не яко бія наше, но апостольское и святыхъ отецъ,—возводительными отъ васъ словесы на ны разрушаются, и до основанія раскоповятся; зане не токмо христіанъ жившихъ⁴⁾ и нынѣ сущихъ, но, по тому же, и святыхъ отецъ прежде бывшихъ и хранящихъ апостольскіи уставы отъ самаго воплощенія Господа нашего Іисуса Христа и до нынѣ, то ваше посланіе и соборное наказаніе, въ возводительныхъ словесахъ на ны, явѣ въ безконечныхъ огненныхъ и жупельныхъ мукахъ вашими словесы осуждаетъ⁵⁾. Сего ради, аще и болѣзваніе ми душа о сихъ отписати вамъ, да известится къ вамъ о сихъ известно въ словесахъ весь совѣтъ нашъ. Но понеже убо тѣсное разума и недоумѣтельное⁶⁾ языка моего свѣдѣй,—много лѣняхся, о блаженніи, яже выше силы моей начати и немощная дерзнути, якоже иѣкіи безстудни или дерзости уго-

¹⁾ 1691₁ и 1691₂: учителныхъ и простыхъ и повсюду православныхъ христіанъ

²⁾ 1691₁: любовію

³⁾ 1691₁ и 1691₂: и да невозмнится сія кому она єжебы

⁴⁾ 1691₁: живыхъ

⁵⁾ 1691₁: мукахъ осуждаетъ

⁶⁾ 1691₁: недоумѣнная

тованныя, иже сицевая дерзающихъ смотря бѣды ¹⁾). Аще, по апостолу, и вся ми лѣть суть, но не вся на пользу; и паки: вся ми лѣть суть, но не вся назидають. Аще бо Моисей, онъ божественный законоположитель, иже всякаго человѣческаго видѣнія отлучивъ себе и житія треволненіе оставилъ и явленіе всякое вещественное отрясь, и души зрительное очистивъ, отвсюду ²⁾ къ боговидѣнію бывъ потребенъ; и еще ³⁾ къ намъ Бога Слова человѣколюбное сошествіе и Того пачеественное воплощеніе въ купинѣ, и невещественѣмъ огни видѣти сподобися, распаляющу убо и разжигающу купину и къ своей свѣтлости прилагающу и, непопалиюще же ⁴⁾, ниже потребляюще, ниже убо своего ся естества изступающу ⁵⁾; иже первый Сущаго и поистинѣ Пресущественного суща наученъ бывъ Имени, и своихъ соплеменныхъ представительству ⁶⁾ отъ Бога поучаемъ,—гугнива нарицаше себе и косноязычна, яко не могій послужити божественному съвѣту и чести и святыхъ явленію извѣстити и ходатай быти Богу и человѣкомъ; и сія многажды помышляхъ и глаголахъ о себѣ, како азъ, оскверненный всякимъ грѣхомъ и оказляхъ въ тинѣ ⁷⁾ всякаго зла, нося же и помысла въ себѣ многосущенную бурю и ниже умъ, ниже размысли ⁸⁾ очищенъ имѣя, якоже зерцато къ Богови Святому, къ симъ ⁹⁾ писати покушуся или словеса глаголати покажуся? На обаче, иже въ насъ богоносніи отцы и разума истиннаго тайнницы, се послушаніе быти уставляютъ, во яже паче силы неразсудно повелѣвающихъ послушати. И яко аще бы не ¹⁰⁾ страхъ и многа ¹¹⁾ бѣда была—яремъ преподобнаго послушанія, паче же матерь всѣхъ добродѣтелей отъ себе отметнути, быхомъ безсловеснѣ въ яже суть паче силы нашея дерзнули. Такожде, егда и начнемъ сть Богомъ глаголати, или рещи: бѣсьдовати къ вамъ, да не возмнится, яко бы намъ тщатися любопрѣніе противу показати, или нѣкако въ словесѣхъ тщеславіе являти, или шохутающимся свести на безмѣріе въ десная или на умаленіе въ лѣвая хотящимъ ¹²⁾ тещи самымъ царскимъ путемъ къ велий почести вышняго званія. Вѣмы

¹⁾ 1691: немощная дерзнути. Аще, по апостолу

²⁾ 1691: повсюду

³⁾ 1691: иже

⁴⁾ 1691: и разжигающу, не попалиюще же

⁵⁾ 1691: и 1691: заступающе

⁶⁾ 1691: представительства

⁷⁾ 1691: окаянъ въ тимѣніи, 1691: окаянъ въ тимѣніи

⁸⁾ 1691: разумъ

⁹⁾ 1691: съ кимъ

¹⁰⁾ 1691: аще не бы

¹¹⁾ 1691: лута

¹²⁾ 1691: хотящихъ

бо¹⁾, вѣмы извѣстно, яко бо оба та пути единаки суть къ погибели, яко въ низводящій на слабость въ низоту, таковъ и возводящій на безмѣріе въ высоту, и якоже погубляетъ возношеніе и славолюбіе, тако низлагаетъ счастолюбіе и плотолюбіе. Того ради и Златоустый²⁾ глаголеть не яко надѣянное или якобы и глаголанное отъ кого смотрити подобаетъ точію, но и вину бываемымъ³⁾ искати⁴⁾). Еже бо по воли Божіей бываемое, аще и зло быти мнится, всѣхъ добрѣйшее есть; а еже паче воли Божія, еже Онъ не хощетъ, аще и добрѣйшее быти мнится, всѣхъ злѣйшее есть и беззаконнѣйшее. Понеже многа суть таковыхъ различія, такоже и образы безмѣрныхъ начинаній, еже по слову или по виду дѣла якобы добра или красна или полезна являются, а вѣщю отъ воли Божій въ ересь склоняютъ и анаемы подлагаются. Яко обращающагося отъ грѣха не приемляй кто въ покаяніе—антихриста себѣ творить; такожде и Максимъ⁵⁾. Киникъ—волкъ нарицается вмѣсто пастыря, аще и вся грѣхи прощати готовъ согрѣшающимъ. И якоже глаголеміи чистіи за ересь свою погибаютъ, тако и блудницы во огнь вѣчный отходять. И есть ересь разумоборцовъ, и есть ересь обычае-претыкателъ, и есть ересь кривосказатель⁶⁾, и есть ересь словоисктователъ⁷⁾, также⁸⁾ и раздорникъ. Сего ради о священныихъ правилѣхъ наказуетъ преподобный Никонъ христіянъ—до кончины вѣка хранити. И паки о сохраненіи и о соблюденіи святыхъ соборовъ и правиль ихъ глаголется въ Кормчей, иже всяко отражаетъ мнѣніе и суетное сопротиво-словіе: послѣдуюй же, рече, прежде его святымъ соборомъ—той соборъ святъ есть; непослѣдуюй же прежде его святымъ соборомъ не святъ, но искорененъ⁹⁾ есть и отверженъ. Сія же вся предписанная глаголеть изложенія же и отвѣщенія святыхъ соборовъ. Аще кто отъ угодныхъ¹⁰⁾ богоноснымъ отцемъ поколебаетъ¹¹⁾ что, не ктому се смотрѣніе нарицаемъ, но преступленіе преданія вмѣняемъ и къ Богу нечестіе. И сія правила, яко же предрекохомъ, подобнѣ и градстіи законы сице глаголютъ, яко еретикъ есть и еретическимъ подлежить законамъ, аще и мало что уклоняйся отъ православнія вѣры. Павель же апостолъ, и большее благобоязнь-

¹⁾ 1691г: Вамъ бо

²⁾ въ полѣ: Маргаритъ, на іудея.

³⁾ 1691г: бывшихъ

⁴⁾ 1691г: отсель и кончая словами: „той соборъ святъ есть“ пропускъ

⁵⁾ 1691г: Михаиль

⁶⁾ 1691г: камонпретыкателъ

⁷⁾ 1691г: и 1691г: словоискатель

⁸⁾ 1691г: тоже

⁹⁾ 1691г: оскверненъ

¹⁰⁾ 1691г: чуждихъ

¹¹⁾ 1691г: повелѣваетъ,

ство¹⁾ хотя вложити²⁾, страшная глаголеть: аще мы, рѣче, или Ангель благовѣстить вамъ паче преданного, проклять да будетъ. И сія чесо дѣлъ? Яко да не будетъ³⁾ въ нась зрењія или обновенія на лица человѣча. И о сихъ преупомнимъ слово доздѣ.

Принесемъ же нынѣ и настоящая къ вамъ, о немъ же намъ повѣсть предлежитъ,—да изглаголемъ. Пишете вы къ намъ, о блаженіи, и сказуете о своей преискренней любви сицевыми словесы: понеже любы Божія⁴⁾, совокупившая ны во едино упованіе вышняго званія: та убо вся беззавистьодержнѣ дерзаетъ,—и учитися и учити, и совѣтовати о полезныхъ и совѣта блага искати; та и понудила премудраго нѣкоего реци: дай премудрому вину и премудрѣ будеть, та же и насть нынѣ, соборнѣ собравшихся, взожгла⁵⁾ огнемъ любовнымъ,—та же де⁶⁾ убо, глаголете, —и понудила насть писати къ вашей любви о привнесшемся обычаи въ нѣкіихъ христіанѣхъ вашея насты, иже въ невѣдѣніи христіанства спрягши съ женами, и потомъ, по познаніи и по крещеніи, паки сожительствуютъ чадородіемъ, кромѣ бываемаго на таковыхъ браковѣничанія. Къ попущенію же таковыхъ сожительствъ приводится,—якоже рекосте,—отъ нашего⁷⁾ паstryрства свидѣтельство отъ слова преподобнаго отца Госифа Волоколамскаго⁸⁾: якоже пишеть⁹⁾ священномуученикъ Климентъ, Петра апостола ученикъ, егда апостолъ Петръ въ Римъ Софію востави отъ недуга, и прежде всѣхъ вѣрова мужъ ея въ Господа нашего Іисуса Христа, и вѣроваше въ той день три тысячи; и повелѣ апостолъ поститися всѣмъ 40 дней, и пришедшу времени крещенія, крести всѣхъ во имя Отца и Сына и Святаго Духа. И потомъ бяше имъ соѣтъ и поученіе апостола, аще отъ нихъ восходитъ кто прійти на дѣвственное житіе; и приступиша къ нему отъ нихъ 160—дѣвственное житіе пріяша; апостолъ же тѣхъ пострищи повелѣ. И паки рече апостолъ: аще кто хощетъ воздержатися и легокъ на высоту быти измѣною, да идетъ на особная мѣста тихая, да ту празднуеть молитвами и алканіемъ и почитаніемъ и ума очищеніемъ; прочіи же по своему подобію, яко же кто изволить. И сія убо свидѣтельства,—рекосте вы,—яко вы, пріемше въ руку, соборнѣ

¹⁾ 1691г: богоизанѣство

²⁾ 1691г: въ вы вложити

³⁾ 1691г: да не будетъ.

⁴⁾ 1691г, 1691г: и сказуете о своей преискренней любви Божія

⁵⁾ 1691г: возжгла

⁶⁾ 1691г, 1691г: также

⁷⁾ 1691г: вашего

⁸⁾ 1691г: Володскаго

⁹⁾ на по.въ: Иноческой Потребникъ

раземетриши, и не обрѣтаємъ,—глаголете,—въ нихъ помо-
гающе таковому сожительству ни мало. И паки, глаголющи
апостольское слово: прочіи же по своему подобію, якоже
кто изволитъ,—толкуя, износите: и сихъ ради словесъ, гла-
голете, аще надежно крещшимся мужу и женѣ безъ вѣнчанія
смѣшатися? И паки наказуете ны и о той же апостоль-
ской рѣчи пишете: но понеже онъ, верховный апостолъ
Христовъ, не къ супружнымъ точію вѣщая сіи слова, но ко
всему народу, тремъ тысящамъ, въ нихъ же, толикомъ на-
родѣ, лѣпо быти и супружнымъ и несупружнымъ, юношамъ
и дѣвицамъ и дѣтямъ малымъ, отъ нихъ же, толикаго мно-
жества народа, точію 160 дѣвственное житіе пріяша, прочіи
же по своему подобію, якоже кто изволитъ,—аще кто безъ
вѣнчанія возмнить¹⁾, сихъ ради словесъ, жити, то не точію
супружнымъ, но и юношамъ дѣвицъ поимати безъ брако-
вѣнчанія попустить, понеже общее ко всѣмъ сіе слово ре-
чеся, и явень блудъ въ церковную породу внидетъ тако.
И паки, еще повлачая ны, къ тому глаголете: аще ли кто
восхощеть отдѣляти супружныхъ отъ несупружныхъ, гла-
голя, якоже и глаголютъ: сіи въ невѣдѣніи посягли, друзіи
же въ вѣдѣніи,—и сего разума въ апостольскихъ словесъхъ
онѣхъ поискавъ, глаголете, не обрящеши, и раздѣляти ихъ
будеть по нѣкоему своему разсужденію, а не по апостоль-
скому законоположенію.

Оле дивство и веліе чудо,—отъ собора вашего къ намъ,
грѣшнымъ, на апостольское законоположеніе страшного и
крѣпкаго отвѣта! Яко бы и блудниковъ и блудницъ посяг-
шихъ, и въ вѣдѣніи въ блудъ впадшихъ, раздѣляти ихъ,
глаголете, будеть по нѣкоему своему разсужденію, а не по
апостольскому законоположенію! Что же апостолъ сопротивъ
вашего отвѣта глаголетъ? Или не вѣсте, рече, яко прилѣп-
ляяся сквернодѣйцы²⁾ едино тѣло есть съ блудницею, будета
бо, рече, въ плоть едину оба. И паки: не льстите себе, рече,
ни блудницы (и прочихъ злобахъ исчеть глаголя) царствія
Божія не наслѣдять. И въ правилѣ 26-мъ В(асилія) Вели-
каго о семъ вѣдѣніе показуетъ, яко блудъ не бракъ есть,
ни браку начало, но грѣхъ и преступленіе закона Божія;
якоже аще кто по блудодѣянію совокупится съ женою, да
отступить отъ нея. Такоже и въ Номоканонѣ, правило 176-е
являетъ³⁾: прелюбодѣй или явленный блудникъ не приемлется
въ церковь, ниже приноси его, аще не оставитъ грѣха, по
39 правилу Великаго Василія. Что къ симъ глаголати будете
яже о несупружныхъ и въ вѣдѣніи посягшихъ? Оглаголуя
нась, поносяще рекосте: и раздѣляти ихъ будеть по нѣкоему
своему разсужденію, а не по апостольскому законоположе-

¹⁾ 1691.: изволить

²⁾ 1691.: прилѣпивыйся блудницы

³⁾ 1691.: правило 172 устанавливаетъ

нію. И въ томъ вы словеси, апостола Петра, тако и насть, многогрѣшныхъ, возводительными словесы скверныхъ и блуду учительныхъ нарекoste. Понеже якобы Петръ въ своемъ учениі, егда отлучашася на дѣвство 160, прочимъ по сихъ, и несупружнымъ, повелѣ, тако глаголя: прочіи по своему подобію якоже кто изволить,—и на ны пишеть, якоже и глаголютъ словаша ваша. Но мы, аще и многогрѣшина, по не тако неистови есмы, яже бы комуждо отъ нихъ, яко мужемъ тако и женамъ, и якоже вдовицамъ такъ и вдовцамъ, и якоже юношамъ, тако и дѣвицамъ, по святомъ крещеніи не разумѣти, по апостолу, по своему подобію законнѣ пребывать.

Аще ли паки еже пишете на ны, зазрѣвъ намъ по святымъ ихъ крещеніи о раздѣлѣ супруговъ, брачивашихся отъ еретикъ, якобы о сихъ и глаголютъ нѣцы отъ насть: и сіи въ невѣдѣніи посигли, друзіи же въ вѣдѣніи, а обои поганскими или еретическими браки. Вы же ¹⁾ глаголете: и раздѣліти ихъ будеть по нѣкоему своему разсужденію, а не по апостольскому законоположенію. И о сихъ вѣдомо вамъ да есть—книга Феодора Вальсамона, правило 68: якоже рекло Писаніе, еже еретической бракъ нѣсть бракъ, но блудилище, и аще обратятся ко истиннѣй вѣрѣ въ соборной апостольской церкви, и крещенніи миромъ помазуются токмо, и аще хотять жити совокупно, аще дѣти будуть,—паки да вѣнчаются въ церкви. Что же къ симъ: еще ли и сей таковий бракъ, беззаконный, по вашему укору ²⁾ раздѣліти будеть по нѣкоему своему разсужденію, а не по апостольскому законоположенію? О нихъ же Златоустый, наказуя, онасаетъ: врази бо непріязни ³⁾ церковныя еретици, ничимъ же разни отъ прочихъ поганыхъ, незнающихъ Бога, во вся роды погибели предадятся. И о томъ всякаго христіанина такожде въ Номоканонѣ и святый Тимофеи Александрийскій наказуетъ: со еретики и къ еретикамъ не ходи, за преслушаніе же того на таковыхъ церковную казнь—апостольское 66-е правило повѣдѣаетъ: вшедый въ соборище іудейское, или церковь еретическую или поганску, и помолився съ ними, аще убо есть мірскій человѣкъ, да отлучится, аще ли причетникъ, да извержется, яко іудейская мудрствуяй. Кольми паче, аще христіанинъ сый и по крещеніи дерзнетъ вѣнчаться отъ жидовъ, или отъ поганыхъ или отъ еретиковъ, то и отъ градскаго ⁴⁾ закона таковий конечнѣй ⁵⁾ мудѣ повиненъ есть.

Да вы же и еще пишете, понося намъ, и якобы вопрошалъ, а сами уже по малу и отвѣты творите. И аще будетъ

¹⁾ 1691: выше

²⁾ 1691. 1691: уроку

³⁾ 1691: непріятніи

⁴⁾ 1691: гражданскаго

⁵⁾ 1691: безконечнѣй

по отвѣтамъ вашимъ Богъ ны судити, то явѣ и апостоломъ и святымъ отцемъ лѣть есть за свои уставы съ нами страдати. Аще ли ни, то блюдите, да не сами въ сихъ постраджете за хулу и разсѣченіе браковъ законныхъ, якобы и донънѣ отъ познанія вѣры показуется не пріимати въ церковь. Аще иѣцы, невѣрніи суще, законнымъ бракомъ совокупиша, и потомъ мужъ убо невѣрный приступить къ вѣрѣ, тако же и жена, и по крещеніи ихъ тамошнее законное ихъ брачное совокупленіе растерзаете и глаголете: зѣло бѣдовѣтно есть и страха полно таковымъ смѣшился, кромѣ церковнаго брачнаго освященія. И паки приводя рѣчи изъ чину браковѣнчанія, отъ указа священникомъ, коимъ вѣнчати повелѣно, якобы сей бракъ, иже, невѣрніи суще, законнымъ бракомъ совокупиша и, по крещеніи ихъ, за смѣшеніе безъ браковѣнчанія, якобы беззаконна отмечутся, —идѣже сихъ ни едино слово во отметаніе помянется, или беззаконный той бракъ быти изглаголается. А вамъ смѣти оттуду, отъ себе и съ дерзостю на ны, толковати сими глаголы: и да не глаголеть, рече, кто, яко до крещенія сшедшися лѣть есть по крещеніи смѣшился, —здѣ бо церковный законъ, яко ножемъ истины, перерѣзуетъ вся извѣты и единымъ словомъ заключаетъ церковную тайну, глаголя: вся прочая супружества, кромѣ вѣнчанія, беззаконна.

И паки, устоявъ на семъ словѣ, якобы и на сей бракъ глаголется—такожде ему по крещеніи безъ вѣнчанія не быти, съ дерзновенiemъ пишете: а ельма глаголеть „вся супружества“, къ тому проче не единаго супружества¹⁾,—отъ сей рѣчи толкуете,—оставляеть быти въ церкви кромѣ чиннаго церковнаго вѣнчанія. И аще бы мы, скудоумніи, отъ таковой рѣчи сей на таковый бракъ что отъ хулы своей отрыгнули, и то бы намъ не бывше чудно таковая изглаголати, якоже бо и апостольскою рѣчю насъ пиша, повлачаете. Намъ же убо, грѣшнымъ, аще и не смысленни умомъ, уставъ той священникомъ о брацѣхъ показуется: да не будетъ бракъ беззаконный, безъ вѣнчанія, въ христіанѣхъ межъ юношъ и дѣвки, или вдовъ и вдовцовъ, и отъ избѣглыхъ, также и отъ похищепія, и отъ насилия, или по любви, но тайнымъ, безъ вѣнчанія, —та, яко беззаконна и ничтоже суща, отмечутся; того ради поставляются и свидѣтели быти, того ради и уставляеть и вѣнчанію быти въ церкви, и при людехъ да будуть. Тѣ законные браки были кромѣ всякаго правильнаго препятія, о томъ и вся Кормчая свидѣтельствуетъ. А къ тѣмъ убо, аще иѣцы, и не вѣрніи суще, законнымъ бракомъ совокупиша, и потомъ крестиша, тамо во уставѣ и во всей Кормчей разсѣченія браку ихъ нѣсть.

Вы же, много ратуючи на ны, и еще хулите тако: и зѣло де неправедно и бѣдно тѣмъ, иже и до крещенія сшедшися

¹⁾ 1691₁, 1691₂: вся супружества,—отъ сей рѣчи

въ супружество по ветхому человѣку, а въ новаго человѣка облекшимся, а на супружество браковѣнчанія церковнаго и іерейскаго благословенія не имѣющимъ,—смѣшатися чадородіемъ. И не вѣмъ, что тако къ симъ рѣчимъ и съ каковымъ умысломъ прикрыть еще рѣчь, пишете: а не реку сквернистия не по христіански. А еще и при толицѣмъ страхѣ, апостольскому священному слову глаголющу: аще кто растлить церковь Божію, растлить того самого Богъ, зане отъ святаго крещенія человѣкъ бываетъ церковь Божія — чиста, и свята, и непорочна; аще ли кто ю блудно растлить въ себѣ или въ другомъ чьемъ лицѣ, самъ Богъ грознымъ и яростнымъ миленіемъ и Собою мстити хощетъ таковымъ, рекше нестерпимыми и прегрознѣшими мукаами въ безконечныхъ огненныхъ и жупельныхъ мукахъ; тѣмже боятися и трепетати имъ подобаетъ о сихъ, да не когда такового ради небраковѣнчанаго смѣщенія чужды обрящутся здѣ соборныя апостольскія церкви, въ будущемъ же вѣцѣ да не виѣ небеснаго Женихова чертога изгнани будуть, зане осквернившіи боготканную одежду святаго крещенія.

Слышимъ убо, о возлюбленніи, сіи ваши къ намъ страшныи и зѣло воспретительныи о сихъ глаголы, и помышляемъ днесь, якобы аще и намъ такоже прилучитися о сихъ, купно съ вами возвревновать¹⁾). Пощади, Христе Боже! Тогда отъ Христа и отъ святыхъ апостоловъ, такожде и отъ святыхъ²⁾ отецъ разума и отъ ихъ преданія въ зѣло темень и глубокъ ровъ такова нечестія ниспasti бы было. Тѣмже да принесемъ во свидѣтельство истинная словеса о сихъ вселенныя благовѣстника и учителя Павла; и аще разума въ рѣчахъ его недостаткомъ своимъ не обымемъ, и мы вопросимъ о сихъ толкованія учителя Златоустаго, и той откроетъ намъ всяко.

Что же апостолъ о сихъ пишеть? Имамъ убо похвалу, рече, во Христѣ Іусѣ (въ тѣхъ), яже къ Богу. Не смѣю бо глаголати что, ихже не содѣя Христосъ мною въ слушаніи языковъ, словомъ и дѣломъ, тако, якоже ми отъ Іерусалима и окресть даже до Иллирика исполнити благовѣствованіе Христово. Счисляй проче, по Златоусту, и грады и веси, и языки и народы, не подъ Римляны самыми, но иже и подъ Варвары: не бо ми сквозъ Финикию и Сирію и Киликию и Каппадокію да идеши путемъ, но и задняя вся помышляй— и Саракины, и Персы, и Армены, и иныя варвары. Сего бо ради рече „и окресть“: да не просто общимъ путемъ идеши токмо, но и всякимъ, и иже на Югъ — Асію да обтечеши умомъ. А якоже многособраніе чудесъ—единѣмъ словомъ мимотече, рекій: въ силѣ знаменій и чудесъ, въ силѣ Духа Божія. Сице и грады неисчетныя, и языки, и народы, и страны:

¹⁾ 1691.; возвревновавъ

²⁾ 1691.; тогда отъ Христа и отъ святыхъ отецъ.

единъмъ паки симъ совокупи глаголомъ, еже „окресть“. Сице же потщався, рече, благовѣстити, идѣже не именовася Христось, да не на чуждемъ основаніи созижду, рече. Также являютъ и посланія его благовѣстіе—къ Римляномъ, и къ Коринтянамъ, и къ Галатомъ, и къ Ефесеномъ, и къ Колосаамъ, и къ Солунянамъ, также и къ Евреомъ, и къ Филиппицомъ. И отъ тѣхъ языковъ писаша¹⁾ убо къ нему Фортунатомъ, и Стефаннионъ, и Ахайкомъ, имъ же и той пишеть,—и сіе яви при концы посланія,—не убо о всѣхъ, но о брацѣ и дѣвствѣ. Тѣмъ же и глаголаше: А о нихъ же писасте ми: добро человѣку женѣ не прикасатися. Писаше бо къ нему, аще достоитъ удалятися жены, или ни? И къ нимъ описуя и о брацѣ законополагая, вводить и еже о дѣвствѣ слово: добро человѣку не прикасатися женѣ—аще убо доброе и зѣло преимущее ищеши, рече, лучше ниже отнюдь пріобщатися женѣ. А оженившимся завѣщаю не азъ, но Господь,—понеже законъ, извѣстными словесы отъ Христа положенный, хощетъ прочитати, о еже кромѣ блудодѣянія не оставляти жены. Сего ради глаголеть: „не азъ“, а индѣ же „азъ“; сія слова имутъ различіе. Да убо ниже егова человѣческая быти нещауши, сего ради наведе: миу бо ся и азъ Духъ Божій имѣти. Что убо еже оженившимся завѣща Господь? Женѣ отъ мужа не разлучатися; аще ли же и разлучатися, да пребываетъ безбрачна, или да смирится²⁾ съ мужемъ своимъ; и мужу жены не отпущати. Понеже и воздержанія ради и иныхъ ради извѣтовъ и малодушія приключахуся быти раздѣленія: лучше убо, неже³⁾ быти началу, рече; аще ли же и будетъ, да пребываетъ жена съ мужемъ, аще и не смышеніемъ, но за еже никогоже другаго приводити мужа.

Сие убо, о возлюбленніи, добро бы, по апостолу Павлу и по Златоусту, и вамъ и намъ въ мѣру глаголати, и чистое сквернымъ не нарицати. Горе бо оглаголующимъ добре зломъ.

Аще ли же пишете къ намъ, поноша ны, глаголя: покази же ми, откуду тіи крѣпятся, иже до креценія совокупившіяся и по крещеніи смышатися имъ кромѣ церковнаго чиннаго браковѣнчанія; понеже де во апостольскомъ законоположеніи, и въ вышереченномъ свидѣтельствѣ, того разсужденія не обрящеши. Здѣ къ вамъ о сихъ подастъ апостоль зѣло крѣпкій отвѣтъ: кждо въ званіи, имъ же призванъ бысть, въ томъ да пребываетъ. О нихъ же въ правилѣ 72-мъ вселенскій шестый соборъ свидѣтельствуетъ: аще же нѣцки, невѣрніи суще, законнымъ бракомъ совокупишася, и потомъ мужъ убо невѣрный приступитъ къ вѣрѣ, жена же еще лестію одержима есть, и аще возлитъ вѣренъ мужъ жити съ

¹⁾ 1691.; писано

²⁾ 1691.; или да случится

³⁾ 1691.; ниже

невѣрною женою, или вѣрия жена съ мужемъ невѣрнымъ, да не разлучается, по божественному апостолу: святить бо ся, рече, мужъ невѣренъ женою вѣрною и жена невѣрна мужемъ вѣрнымъ. И тако, рече Златоустъ, во всѣхъ церквахъ, повелѣвая же¹⁾ апостолъ: Сего ради святіи въ Кирилловѣ книгѣ, аще и о крещеніи малыхъ дѣтей, отъ апостола увѣряя, новокрещенцовъ наказуютъ, яко Христосъ не послал учениковъ своихъ къ вѣрнымъ, но къ невѣрнымъ, ихже потребно первіе учити, потомъ же крестити, не токмо великихъ, но и со всѣми домашними ихъ, сирѣчъ съ женою и съ дѣтьми, якоже и нынѣ егда кто отъ живодѣй, или отъ еллинъ, или отъ иныхъ невѣрныхъ, возрастный лѣты, восходитъ креститися, первіе его православной вѣрѣ научати и, научивъ, аще имѣеть жену и дѣти, привести его на то учениемъ тѣмъ, дабы съ женою и съ дѣтьми, и просто рещи— со всѣмъ домомъ своимъ святое крещеніе воспріяли. Тако бо и апостоли твориша, якоже Павель и Сила приведоша въ вѣру стражника темничнаго, и крестиша со всѣмъ домомъ его, такоже и Криспа начальника, и иныхъ многихъ, якоже и самъ Павель апостолъ свидѣтельствуетъ, крестихъ же и Стефаниновъ домъ. Тому же подобно и Иоаннъ Богословъ крести Мирона и жену его съ треми сыными. И тамо же приложи, якоже единаго дне мужей, двѣсти²⁾, и съ ними вкупъ жены и дѣти ихъ. Такоже и Аненипата— судю съ женою и сыномъ. Сія бо суть неложная свидѣтельства, яко и апостоли дѣти крестиша.

И о брачѣхъ ихъ супружества пишете къ намъ: умолчано здѣ³⁾, молчи де и ты. Но намъ, грѣшнымъ, невозможно суть уияти трубъ богоносныхъ и чрезъ насть вонюющихъ Павла и со Златоустомъ по вселеннѣй: каждо въ званіи, имже призванъ бысть, глаголютъ, въ томъ да пребываетъ; глаголю же безбрачнымъ и вдовицамъ, добро имъ есть, аще, рече, пребудутъ, якоже и азъ; аще ли не удержанятся, да посягаютъ; а оженившимся, рече, завѣщаю не азъ, но Господь: женѣ отъ мужа не разлучатися; аще ли же и разлучится, да пребываетъ безбрачна, якоже и при Петрѣ апостолѣ отъ трехъ тысячъ, по святомъ крещеніи, 160 пріяша дѣственное житіе; прочіи же по своему подобію, якоже кто изволить, рекъ апостолъ. Еже и выше къ женѣ глаголется: аще ли же разлучится, да пребываетъ безбрачна, или да смирится съ мужемъ своимъ, и мужу жены не отпущати. Понеже бо, пишеть Златоустъ, и воздержанія ради, и иныхъ ради извѣстовъ, и малодушія приключахуся бывати раздѣленія: лучше убо ниже быти началу, рече; аще ли же и будетъ, да пребываетъ жена съ мужемъ, аще и не смиреніемъ, но

¹⁾ 1691.; повелѣваєтъ

²⁾ 1691.; мужей, ихъ же бѣ двѣсти

³⁾ 1691.; гдѣ

за еже никого другаго приводити мужа. Сія бо не суть препоны¹⁾ къ благочестію. Жену им'я невѣрну званъ быль еси, пребывай им'я ю, и ради вѣры не изгоняй жену; рабъ ли сый призванъ быть еси, да не нерадиши, аще²⁾ и можеши свободенъ быти, но наипаче употребляй сего, сирѣчъ наипаче работай; въ необрѣзаніи ли сый званъ быль еси³⁾, пребывай необрѣзанъ; въ обрѣзаніи ли сый вѣроваль еси, пребывай обрѣзанъ. Се бо есть: комуждо яко же раздѣлить есть Богъ. Сія бо, рече Златоустъ, не суть препоны къ благочестію.

Вы же, о возлюбленніи, вся сопротивная симъ и отмечна, со всѣми святыми ратующися,—аще кому покажется и отъ благаго предложенія,—на ны писали есте, толкуя отъ себе. Да и отъ всѣхъ де божественныхъ писаній явѣ показуется, яко ина тайна есть святое крещеніе, и другая де есть браковѣнчаніе; крещеніе де супружныхъ и несупружныхъ равно освящаетъ, Адамля первороднаго грѣха очищаетъ⁴⁾ и отъ всѣхъ прочихъ его богомерзкихъ дѣяніяхъ обмываетъ, и отъ прежняго языческаго совокупленія очищаетъ⁵⁾, и Божіе сыновство подаетъ, и во Христа облекаетъ. „Елицы бо во Христа креститесь, во Христа облекостеся“—апостольское де нась священное слово научаетъ, а не мужа де съ женою во едину плоть совокупляеть. И понеже де первое кого сожитіе съ женою до крещенія по ветхому человѣку бысть,—всякому вѣдомо есть; и понеже ветхаго человѣка, тѣбѣмаго въ похоти, совлечеся крещаемый: совлечеся и дѣяній его,—отста де отъ⁶⁾ совокупленія жены, иже не по церковному освященію даемыя, въ новаго же облечеся—Христа. Не убо де и оба вкупѣ, но особь убо мужъ, особь же жена,—яко бы они, по васъ, уже и Христа раздѣлили. И отъ браковѣнчанія де исходить овъ больши, другая же менѣ, овъ глава женѣ, другая же покореніе нося, и бывають оба во едину плоть, яко же священный чинъ церковный браковѣнчанія нась научаетъ. Отъ крещенія же оба де исходить равно во Христа облечени, и ни овъ больше, другая же мніе, о Христѣ бо де Ісусѣ нѣсть мужескъ полъ, ни женскъ; крещеніе бо братство подаетъ, а не тѣлесъ совокупленіе. И зѣло де бѣдовѣтно и страха полно таковымъ смѣшатися, кромѣ церковнаго брачнаго освященія и сквернитися не похристіански. А еще де и при толицѣмъ страсѣ, апостольскому слову глаголющу: аще кто растлить церковь Божію, растлить того самого Богъ, зане де отъ святаго крещенія человѣкъ бываетъ церковь Божія чиста и свята и непорочна:

¹⁾ 1691₁, 1691₂; преподобны

²⁾ 1691₂; но аще

³⁾ 1691₁; призванъ еси

⁴⁾ 1691₁; Адамля ... очищаетъ—нѣтъ.

⁵⁾ 1691₁; очищеваетъ

⁶⁾ 1691₁, 1691₂; отпаде отъ

аще ли де кто ю блудно растлить въ себѣ, или въ другомъ чьемъ лицѣ, Самъ Богъ грознымъ и яростнымъ мищениемъ и Собою мстити хощеть таковыхъ, рекше нестерпимыми и прегрознейшими мукаами въ безконечныхъ огненныхъ и жупельныхъ мукахъ; и яко здѣ такового де ради небраковѣнчанного смыщенія чужды обрящутся соборный апостольскія церкве, въ будущемъ же вѣцѣ внѣ небеснаго Женихова чертога изгнани будутъ, зане осквернившіи боготканную одежду святаго крещенія.

Зрите, о возлюбленніи, како ли не добрѣ глаголетъ Писаніе, егда кто не богоизблю словеса святыхъ приемлетъ, въ великъ брегъ стремнины ниспадаетъ. И наки вправду речеся, яко письмо убивається, духъ же живитъ. Понеже по сихъ вышеписанныхъ глаголѣхъ, не токмо мы, грѣшнici, или тѣ христіане и съ женами, но и апостолъ Павелъ и съ прочими святыми приговорены быти здѣ чужды соборный апостольскія церкве, въ будущемъ же вѣцѣ внѣ чертога изгнанными глаголете быти въ вышеписанныя неизглаголанныя муки, его же Павловыми глаголы и за его, Павловы же, уставы. Понеже ¹⁾ онъ тѣмъ, иже аще нѣцы, невѣрніи суще, законнымъ бракомъ совокупиша и потомъ приступиша къ вѣрѣ и крестиша, ссылаясь на Христа, уставъ имъ положилъ глаголя: кождо въ званіи, въ немъ же призванъ бысть, въ томъ да пребываетъ; глаголю же безбрачнымъ, рече, и вдовамъ: добрѣ имъ есть, аще пребудуть, яко же и азъ; а оженившимся завѣщаю, рече, не азъ, но Господь, женѣ отъ мужа не разлучатися, и мужу жены не отшущати. И не токмо якобы самъ отъ Христа таковъ уставъ положи, но и къ прочимъ инымъ уже и самъ отъ себе также дерзая, якобы и странище сихъ, а таковъ же и равенъ къ имѣвшейся ²⁾ уставъ положи: прочимъ же глаголю, рече, азъ, а не Господь,—аще который братъ жену имать невѣрну и тая благоволитъ жити съ нимъ, да не оставлять ея. Здѣ ли воини, возлюбленне, брата, по Златоусту, здѣ глаголай всякаго простовѣрнаго, да не будеши ми глаголати оглашеннаго. Что бо есть творящее братство? Баня накибытія, еже возмоши нарещи Бога Отца; тѣмже оглашенній убо, аще и инокъ будетъ, нѣсть братъ; вѣрный же, аще и мірянинъ будетъ, братъ есть.

И да не зазрите ми, о возлюбленніи, продолженіи слову, понеже бо довольно отъ васъ наказанъ есмь не предлагати вамъ вкрайцѣ словесъ въ разсужденіе ваше. Того ради аще гдѣ о чесомъ якобы намъ аще и благоразумна суть глаголемая, но намъ симъ ³⁾ братски не смытъ рещи, понеже довольноѣ отъ васъ повлачими есмы. И не чудо, душа бо любопытлива въ долзѣ словеси усыпти обычє. Тѣмже сихъ

¹⁾ 1691₁, 1691₂; глаголы. Понеже

²⁾ 1691₁; къ имѣвшейся—нѣтъ.

³⁾ 1691₁; къ сихъ 1691₂; къ вамъ сихъ

ради да будуть и да возвѣстится вамъ отъ насть явѣ и яснѣ апостольская законоположенія, якоже и выше рекохомъ. Аще который братъ жену имать невѣрну и тая соблаговолить жити съ нимъ, да не оставляетъ ея; и жена, аще имать мужа невѣрна и той соблаговолить жити съ нею, да не оставляетъ его. Что глаголеш? пишеть Златоустъ: аще убо невѣрный, да пребываетъ съ женою, аще ли же блудникъ —не ктому? Идѣже меньшее есть блудъ отъ невѣрства? Меньшее убо есть блудъ, но Богъ твой ихъ щадитъ зѣю. Сие и въ жертвѣ творить, глаголя: остави жертву и смирися съ братомъ своимъ. Также да не боится жена, яко нечиста бывши за смѣщеніе,— глаголетъ: святить бо ся мужъ невѣренъ о женѣ вѣрнѣ и святится жена невѣрна о мужѣ вѣрнѣ. И толкуя Златоустъ о сихъ глаголетъ: и аще убо блудницы прилѣпляйся, едино тѣло есть, благоявленно¹⁾), яко идолоносителю прилѣпившаяся едино тѣло есть? Едино убо тѣло есть, но не бываетъ нечиста; но побѣждаетъ чистота женска нечистоту мужчину и побѣждаетъ чистота вѣрнаго мужа паки нечистое невѣрныя²⁾ жены. Слышите, о возлюбленніи, како здѣ, по святомъ крещеніи, не токмо обѣ части, якобы вѣрныхъ, но единаго вѣрнаго, а другаго еще суща невѣрна, а безъ чиннаго церковнаго брака вѣничанія, противу вашего толку, якобы сопротивляяся вашему законооположенію, той Павель и Златоустъ смѣшатися и не боятися повелѣ; и не рече сицевымъ, по вашему: аще по крещеніи кто растлить церковь Божію въ себѣ или въ другомъ лицѣ, растлить того самого Богъ; ниже рече: яко оскверниша боготканную одежду святаго крещенія. Но не бываетъ, рече, не чиста, аще и едино тѣло есть со идолоносителемъ по смѣщеніи, но побѣждаетъ, рече, чистота женска нечистоту мужчину и побѣждаетъ чистота вѣрнаго мужа паки нечистое невѣрныя жены. Како убо здѣ побѣдися нечистое, тѣмъ же и изволено бысть сопряженіе, о блуднѣй же женѣ нѣсть оглаголуемъ изгоняй ю мужъ? Зане убо здѣ надежда есть спасатися погибшей части брака ради. Внимайте, возлюбленніи, яко же глаголетъ: брака ради, а не еже бы³⁾), по вашему, блуда ради. Яже бо о блуднѣй женѣ пишеть тамо же, рече: бракъ уже разрѣшился, и тамо убо обоя растлѣваются, и того ради нѣсть оглаголуемъ изгоняй ю мужъ; здѣ же единаго грѣхъ. Яко что глаголю? Соблудившая едино есть нечиста: аще прилѣпляйся блудница едино (съ нею) тѣло есть, и той бываетъ не чистъ, съ блудницею смѣшиваясь; сего ради отлетаетъ вся чистота. Здѣ же не тако, но како? Есть нечистъ идолоноситель, но жена нѣсть нечиста⁴⁾). Аще убо пріобщилася бы ему въ томъ,

¹⁾ 1691₁; явлено

²⁾ 1691₂; невѣрныя — нѣсты.

³⁾ 1691₁; погибшей части брака ради, а не еже бы

⁴⁾ 1691₁, 1691₂; есть не нечиста

въ немже нечисть бѣ, глаголю — въ нечестіи, имѣяще и та нечиста быти. Нынѣ же инако убо нечисть есть идолослужитель, въ иной же вещи пріобщается ему жена, въ ней же нѣсть нечисть; бракъ бо есть и смѣшеніе тѣлесъ, въ немъ же пріобщеніе. И который бы, глаголетъ, рцы ми, вредъ, егда и яже благочестія цѣла пребывають, и толико богатство твоей чистоты! И нѣсть бо, рече, тѣлесъ нечистота, имъ же есть пріобщеніе, но—произволенія и помысловъ. Также и указаніе: аще бо нечиста пребывающи, рождающи отрока же, не отъ самыя тебе, убо нечисто есть отрока, или отпому чисто? Нынѣ же нѣсть нечисто. Также и наведе: понеже чада ваша нечиста суть (были бы), нынѣ же (свята) есть, сирѣчь не нечиста. Той же свята нарече преизобиліемъ и богатствомъ реченія, паки изгоняя сицеаго мнѣнія страхъ. И тако во всѣхъ церквахъ повелѣвая.

Тѣмже отъ сихъ словесъ, о возлюбленніи, хощу присѣдѣти Павлу и вамъ, да не будемъ развращени отъ благочестивыя мысли посланіемъ вашимъ. Павель глаголетъ и Златоустъ повелѣваетъ пребывать уже спряженнымъ бывшимъ, и не излишнихъ браней вины вводити. Не токмо якобы обѣимъ частемъ, бывшимъ невѣрнымъ и потомъ вѣрнымъ и крещеннымъ; но аще которая жена мужа или мужъ имать жену и невѣру, да не оставляетъ ю; каждо бо въ званіи, имъ же званъ бысть, рече, въ томъ да пребываетъ, еже толкуя Златоустъ: жену имѣя невѣру знанъ быль еси, пребывай и имѣй ю, ради вѣры не изгоняй жену, бракъ бо есть. Тѣмже и изволено бысть спряженіе и смѣшеніе тѣлесъ, въ немъ же пріобщеніе, и да не боится жена, яко нечиста бывши за смѣшеніе. Вы же глаголете: понеже первое де кого соожитіе съ женою до крещенія по ветхому бысть человѣку, — всякому вѣдомо есть; и понеже де ветхаго человѣка, тѣбѣмаго въ похоти, совлечеся крещаемый, совлечеся и дѣяній его—отста де и отъ совокупленія жены, иже не по церковному освященію даемыя; и зѣло де бѣдовмѣтно и страха поинъ таковымъ смѣшатися, кромѣ церковнаго брачнаго освященія, и сквернитися не по христіански. Павель глаголетъ и Златоустъ толкуя: но не бываетъ, рече, нечиста, бракъ бо есть, тѣмже и изволено бысть спряженіе и смѣшеніе тѣлесъ, въ немъ же пріобщеніе. Вы же глаголете и на сихъ¹⁾: крещеніе бо отъ Адамля де первороднаго грѣха очищаетъ и отъ всѣхъ прочихъ его богомерзкихъ дѣяній обмываетъ, и отъ прежняго языческаго совокупленія очищаетъ; и да не глаголеть де кто, яко до крещенія сшедшися лѣть есть по крещенію смѣшатися; здѣ бо церковный законъ, яко ножемъ истины, прерѣзуетъ вся извѣты и единѣмъ словомъ заключетъ „всї прочая супружества“, кромѣ вѣнчанія²⁾, безза-

¹⁾ 1691.; инакихъ

²⁾ 1691.; церковнаго вѣнчанія

конна; и яко такового ради небраковъпчанного смыщенія здѣ чужды обрящутся соборныя апостольськія церкви, въ будущемъ же вѣцѣ виѣ небеснаго Женихова чертога изгнаніи будуть, зане осквернившіи богоотканную одежду святаго крещенія. А Павель глаголеть: каждо въ званіи, имъ же призванъ бысть, въ томъ да пребываетъ. И Златоустъ толкуетъ: нѣсть бо тѣлесъ¹⁾ нечистота, имъ же пріобщеніе и смыщеніе тѣлесъ, бракъ бо есть; и пребывать уже спрѣженнымъ бывшимъ, и не излишнихъ браней вины²⁾ вводити. Не бо о иже никогда же сшедшіхся бесѣдуетъ нынѣ, по о сошедшихся уже. Яко и вселенскій шестой соборъ, въ толкованіи 72 правила, свидѣтельствуетъ: аще же нѣцы, рече, невѣрніи суще, законнымъ бракомъ совокупишаася, къ нимъ же апостолъ глаголеть: а оженившимся завѣщаю не азъ, но Господь, женѣ отъ мужа не разлучатися и мужу жены не отпущати. О нихъ же правило 1-е, святыхъ отецъ въ Гангрѣ пишетъ: аще кто законный бракъ порокуетъ, и вѣрну сущу жену и благочестиву и говѣйну, смыщающу же съ мужемъ своимъ, ненавидить или поречеть, глаголя, яко сія не можетъ винти въ царство небесное, да будетъ проклять. И паки того же собора правило 12 (14): аще которая жена оставляетъ мужа своего и отъйти хощетъ, гнушающеся бракомъ, да будетъ проклята. И не токмо о сихъ, законнымъ бракомъ совокупившихся обоихъ и потомъ крестившихся, таковъ законъ Павловъ³⁾ и соборы положень. Но по свидѣтельству въ толкованіи правила 72 шестаго вселенскаго собора глаголется: аще же нѣцы, невѣрніи суще, законнымъ бракомъ совокупишаася. Тѣмже слышите, о возлюбленніи, что глаголеть: невѣрніи суще, законнымъ бракомъ совокупишаася,—а не блудомъ рекоша святici, якобы по вашему толкованію,—и потомъ убо мужъ невѣрный приступить къ вѣрѣ, жена же еще лестю одержима есть, и аще велиить вѣренъ мужъ жити съ невѣрною женою, или вѣрная жена съ мужемъ невѣрнымъ, да неразлучается, по божественному апостолу. Такоже глаголеть Златоустъ: да не боится жена, яко нечиста бывши за смыщеніе; тѣмже изволено бысть спрѣженіе и смыщеніе тѣлесъ; нѣсть бо тѣлесъ нечистота, въ немже пріобщеніе, бракъ убо есть,—а не рече, по вашему посланію: блудъ, или: растлить его Богъ, но: святится, рече апостолъ, мужъ невѣренъ о женѣ вѣрнѣ и святится жена невѣрна о мужѣ вѣрнѣ⁴⁾; и: чада ваша нечиста суть, нынѣ же свята суть.

Вы же о сихъ вся сопротивная апостолу вашимъ посланіемъ къ намъ пишете. Павлу глаголющу: и чада ваша свята суть; вамъ же, съ Павловомъ любопрѣящимся: имущія во чревѣ

¹⁾ 1691₁, 1691₂: тѣлесъ—*нѣтъ*.

²⁾ 1691₁, 1691₂: вины—*нѣтъ*.

³⁾ 1691₁: въ законѣ Павловомъ

⁴⁾ 1691₂: и святится... вѣрнѣ—*нѣтъ*.

разсядутся. И мы, о возлюбленніи, не имамы разума о сихъ, еже вы пишите: чада ли та, святая, по апостолу, ли матери ихъ, имущія во чревѣ, разсядутся? И како разсядутся, да увѣмы: расколются ли, или иначе нѣкако разлопаются?—Еже мы не видимъ не токмо надъ тѣми же брачными женами и надъ ихъ отрочаты, но и надъ блудницами женами и надъ ихъ дочерями. Убо есть ли что сквернѣйшее діавола, пишетъ Златоустъ, умыслившаго проповѣдь, ходатайствующую муку пріятии покоряющимся? Зриши ли, коликими злыми подаетъ, рече, своимъ си муку и томленіе имъ отъ проповѣди и отъ трудовъ сихъ умышляетъ! И каковъ бы ихъ¹⁾ врагъ и супостать онѣхъ спасенію все тако устроилъ? Зриши ли, рече, яко истину ратуй и ничто же можетъ, но себе уязвляеть паче, аки противу рожну перый²⁾). Тѣмже молю, рече, о всѣхъ благодаримъ Бога, яко намъ и труды облегчилъ есть, и мзды возрастиль, ихъ же бо у васъ³⁾, женившися цѣломудренно, наслаждаются мездъ, не наслаждаются у нихъ дѣйствующіи, но дѣйствующіи, рече, у еретиковъ казни блудящихъ быша повинны. Како? Все же бываетъ отъ еже неправымъ разумомъ творити что, но на оклеветаніе Божіихъ тварей и неизреченныя мудрости Его. Сего ради, опасая и наказуя, апостоль глаголеть: духа не угашайте, пророчествія не уничтожайте⁴⁾; отъ всякаго⁵⁾ вида зла ограбайтесь,—не отъ сего, или отъ онаго, но отъ всякаго. Толкуя и Златоустъ: вся искушайте, рече, и ложная и истинная, да со искушеніемъ разсуждаете; и онѣхъ отгребайтесь⁶⁾, и сихъ держитесь. Сице бо и оныхъ зѣльная ненависть будетъ, и сихъ любовь будетъ, егда не просто, ниже безъ истязанія, но со опасствомъ вся творимъ. Якоже пишетъ Златоустъ, убо послѣднее есть время, въ послѣдняя бо времена, рече апостоль, отступять нѣцы отъ вѣры, внемлюще духовомъ лестчимъ и учениемъ бѣсовскімъ, въ лицемѣріи жесловесникъ, сожженныхъ своею совѣстю, возбраняющихъ женитися. Что убо, мы сіе возбраняемъ ли? Рече: женитися не возбранляемъ не буди хотящимъ, но не хотящихъ подвизаемъ на дѣвство; ино есть возбранити, и ино властелина оставити произволенія; возбраняй бо убо всячески сія творить, а иже аки на большее дѣвство возводяй, не возбраняя женитися творимъ сія, но подвизая дѣвствовати.

Вы же, о возлюбленніи, такоже въ словесѣхъ пишите, якобы не возбраняя, глаголете, женитися; а сами и законныя, уже бывшія, браки, ихъ же пріяла и пріемлетъ апостольская

¹⁾ 1691: инъ

²⁾ 1691: прый

³⁾ 1691: бо нась

⁴⁾ 1691: не уничтожайте

⁵⁾ 1691, 1692: вся же искушающе, доброе творите, отъ всякаго

⁶⁾ 1691: ограбаетесь

церковь, отрѣваете и зѣльнѣ съ возбраненіемъ расторгаете; а не послушающихъ вы о семъ зѣло, видимъ, неправыми словесы (поносите) и противознаменія¹⁾, якоже бы и стрѣлы пущаемы, или, по Соломону, клятву якобы птенцы на сихъ посылаемы, испущаете. Тѣмъ же нѣсть добра похвала ваша! Намъ же не чудо о сихъ. Понеже нѣкій отъ святыхъ глаголетъ: аще кому потреба бываетъ нѣкоего древа криваго, аще не обрящеть, рече, таковаго, тогда и правое туды кривить, куды ему надобно. Сице же и вы, о возлюбленніи, творяще, еже апостольское писаніе, приводяще по своему хотѣнію, искривляете, еже рече апостолъ: не вѣсте ли, яко храмъ Божій есте. Понеже бо о пресѣщающихъ церковь въ прежнемъ бесѣдоваше касается прочее и соблудившаго, иже отчу жену появшаго, явленінѣ убо не у, непредѣльнѣ же назнаменуя растлѣнное того житіе; и возводя грѣхъ отъ уже даннаго ему дарованія, ниже и иныхъ посрамляеть якобы: и вы разгордѣете, рече, а не паче плакасте, да измется отъ среды васъ дѣло сіе содѣлавшій. То бо наносить, глаголя: не вѣсте ли, яко храмъ Божій (иже отчу жену появшаго) есте и Духъ Божій живеть въ васъ; аще кто храмъ Божій растлить, расстлить сего Богъ. Видѣлъ ли еси, пишеть Златоустъ, срамленіе²⁾ слова? Но донележе лице не явлено есть, не тако тяжко есть глаголемое, — всѣмъ раздѣльшимъ запрещеніе—страхъ: растлить его Богъ, сирѣчь погубить. Се же не проклинающаго есть, но пророчествующаго. Храмъ Божій есть святы, соблудившій же сквернавъ: также да не мнится ко оному простирати слова, рекъ: храмъ Божій святы есть, наводить: иже есте вы³⁾). И сія вы свидѣтельства возведосте на ны, якобы и мы учимъ мачехъ поимати⁴⁾, и женъ отчихъ за женъ имѣти. И аще бы тако, вправду и поистинѣ рекли есте: растлить сего Богъ, и: блудницы царствія Божія не наслѣдять, также и о блуднѣй женѣ: нѣсть оглаголуемъ изгояній ю мужъ; а о сихъ, о нихъ же писали есте инь есть образъ, якоже глаголютъ святіи: ихъ же потребно первое учити, потомъ же крестити, не токмо великихъ, но со всѣми домашними ихъ, сирѣчь съ женою и съ дѣтьми, якоже и нынѣ егда кто отъ жидовъ, или отъ еллинъ, или отъ иныхъ невѣрныхъ возрастный лѣты восходитъ крещатися, первіе его православнѣй вѣрѣ научити, и научивъ, аще имѣть жену и дѣти, привести его на то ученіемъ тѣмъ, дабы паки съ женою и съ дѣтьми и просто рещи—со всѣмъ домомъ своимъ святое крещеніе воспріяли. И по вашему посланію о сихъ людяхъ: по крещеніи, то имъ не мужи, а сіи не жены; якобы святое крещеніе разсѣкло и разрушило ихъ браки—

¹⁾ 1691: въ рукописи: и непротивознаеми.

²⁾ 1691: стремленіе

³⁾ 1691: 1691: храмъ Божій святы есть, наводить: еже вы есте

⁴⁾ 1691: и мы учити начахъ то искасти

то уже пресъкло имъ и все плотское ихъ сродство. И аще бы кто того не хотѣлъ, а сродство или браки ихъ расторгать, и дѣтей ихъ мужей, тако и женъ отъ дѣтей разлучать то спряженіе ихъ не мѣшало. Якоже вы нынѣ глаголете и то, чтобы сего свару болѣе отъ того крещенія на вселениї не было.

Егда при апостолѣхъ, и при царѣ Константинѣ и при Владимірѣ князѣ, тако¹⁾ и при иныхъ во ина времена, не только тысячи многія, но и тмы темъ, якоже обносить Писаніе, по обращеніи ихъ въ христіанскую вѣру, крестилися; а еже браки ихъ, по крещеніи, расторгать, или сродство ихъ разсѣкать отнюдь никто изъ нихъ не дергалъ, и за блудниковъ ихъ не поставлялъ, развѣ по совѣту восходящихъ на преимущее, сирѣчъ на дѣвственное житіе. Якоже и апостоль положилъ: каждо въ званіи, имъ же призванъ бысть, въ томъ да пребываетъ; глаголю же безбрачнымъ и вдовцамъ, рече, добро имъ есть, аще пребудутъ, якоже и азъ; а оженившимся завѣщаю, рече, не азъ, но Господь: женъ отъ мужа не разлучатися и мужу жены не отпущати; такоже: аще которая жена мужа или мужъ жену имать невѣрну, да не оставляетъ ю; якоже пишеть Златоустъ о нихъ: бракъ бо есть и смѣшеніе тѣлесъ, въ немъ же пріобщеніе; также: да не боится жена, яко нечиста бывши за смѣшеніе, и: пребывать, рече, уже спряженнымъ бывшимъ, и не излишнихъ браней вины вводити; не бо о сихъ никогда же сшедшися, рече, бесѣдуетъ нынѣ, но о сшедшихся уже, — не рече бо аще кто хощетъ взяти невѣрную. О тѣхъ бо явственно въ Номоканонѣ Потребника пишеть,—правило 72-е шестаго собора повелѣваетъ, яко не подобаетъ православному мужу еретической сочетатися женѣ, аще же и будетъ, неключиму вмѣняеть женитьбу и законопреступенъ бракъ. Такоже и съ латыни аще православная жена сочтется, съ распутствомъ брака и запрещенію подлежитъ, по 20 главѣ 3 стиха еже въ Матеи: аще ни кто преступить уставленная, да отлучится. Того ради пишеть Златоустъ: не рече бо апостоль: аще кто хощетъ взяти невѣрную, но: аще который имать невѣрную, сирѣчъ аще кто, повнегда оженится и посягати, пріять слово благочестія, также другая часть²⁾ пребыть въ невѣріи, и изволяеть спрѣбывать, да не растерзается; нѣсть бо, рече, тѣлесъ нечистота, имъ же пріобщеніе; толико богатство твоє чистоты, и чада ваша свята суть; который бо, рече, рпы ми, вредъ, егда яже и благочестія цѣлая пребывають, и надежды будуть благія о невѣрномъ; сихъ преизобиліемъ и богатствомъ реченія изгоняй сицеваго мнѣнія страхъ; здѣ бо, рече, не кому блуженія вещь есть. Якоже вы, о возлюбленніи, о сихъ рекосте и тяжестно писасте во отчаяніе

¹⁾ 1691.; также

²⁾ 1691. 1692: часть—нѣма.

христіаномъ, по святомъ крещеніи, за смыщеніе мужемъ и женамъ безъ чиновнаго церковнаго браковѣнчанія; аще де кто растлить церковь Божію, растлить де того самого Богъ, зане де отъ святаго крещенія человѣкъ бываетъ церковь Божія, чиста и свята и непорочна; аще ли де кто ю блудно растлить въ себѣ, или въ другомъ чьемъ лицѣ, самъ де Богъ грознымъ и яростнымъ миценiemъ и Собою мстити хощеть таковымъ, рекше нестерпимыми и прегрозиѣйшими муками въ безконечныхъ огненныхъ и жупельныхъ мукахъ, таковаго ради небраковѣнчанного смыщенія, и здѣ чужды обрящутся соборныя апостольскія церкви, въ будущемъ же вѣцѣ виѣ небеснаго Женихова чертога изгнани будуть, зане де осквернившіи богоотканную одежду святаго крещенія; а наипаче де при толикихъ страшныхъ запрещеніяхъ: Господу глаголющу: горе непразднымъ и доящимъ въ тыя дни; пророкомъ де оплакивающимъ жениха и невѣstu, яже при посѣденіяхъ временѣхъ; апостолу де глаголющу: въ вавилонское разореніе гласть жениха и невѣсты не услышится къ тому въ тебѣ; богословцемъ де отцемъ вѣщающимъ о таковыхъ, яко имущія во чревѣ разсидутся. Тѣмже къ симъ простите¹⁾). — ни въ укоръ, ни въ понось, но въ правду отлагати²⁾ вамъ: и аще о сихъ, по вашему толку, тако случилося быть, то иѣсть вамъ ни въ градѣхъ, ни въ селѣхъ нынѣ вnitia въ дому, егда тѣ христіане, по святомъ крещеніи, по вашему толку, за смыщеніе всѣ блудницы быша, и того ради уже не благовѣстники, по обманщики міру бывають. Понеже по Великому Иларіону, аще и не съ блудники, но съ мірскими токмо вертимся смыщающеся, просимъ у нихъ потребная и всехочительны есмы у таковыхъ взимати и о грѣсѣхъ ихъ обѣщающеся молитися, — укоризна бо, рече, зѣло велика и достойна трепета³⁾; помыслившу комуждо насть, аки чисту самому смыти реши не только, по вашему толку, къ симъ во христіанѣхъ блудникомъ, но къ блудникомъ и міра сего: дай же убо ты мнѣ, а азъ о тебѣ Богу помолюся; еда бо, рече, серафими есмы или херувимы, сами грѣхи оплетены, а ины отрѣщающе⁴⁾, или сами чисти еже ины омывающе, а наипаче тѣхъ, ихъ же и сами вы изглаголасте, яко поити имъ въ вѣчную муку; а по возвожденью словесъ, о такихъ людяхъ Богъ и пророкомъ молитися отрече, колъми паче ихъ и намъ откажеть. Или за свое дерзновеніе къ Богу, записавъ имена ихъ и взятія ради покушающеся умолити не-приступнаго, небеснаго и страшнаго небеси и земли Творца? О, како не вѣмы ся, что творяще, а наипаче о сихъ, имъ же въ конецъ отрекосте спасенія надежду, тѣмъ же и

¹⁾ 1691₁: примите

²⁾ 1691₁: отлагати (?)

³⁾ 1691₁: препона

⁴⁾ 1691₁: отрѣвающе; 1691₂: отрекающе

они аще и даютъ¹⁾ милостыню своей ради пользы, но по невѣдѣнію и якобы прельщающеся творятъ. Егда нѣсть о ихъ спасеніи надежды, гнѣваетъ Бога и молитвенникъ о нихъ, зане, якобы мзду пріемный, не о благихъ дѣлахъ, аки дерзновеніе имый, пририщетъ къ Богу, цату или двѣ во чпахъ свой пріемъ, и, яко наемникъ за то, къ Богу съ дерзновеніемъ на молитву подвизается; а самъ извѣстную глаголеть, яко пойти тѣмъ людемъ въ вѣчную муку, зане де тѣ люди осквернившіи боготканную одежду святаго крещенія.

Тѣмже, о возлюбленніи, съ любовію, паче же и со слезами, и не вѣмъ како, и тако²⁾ о сихъ молю васъ и, преклонъ колѣна, покланяюся: да не со гнѣвомъ отрините сихъ нашихъ бѣдныхъ словесъ и по всему къ вамъ грубыхъ³⁾. Паче же помяните писанное, яко случится кому и отъ любви порицати⁴⁾ кого, или лучше обличеніе и съ дерзновеніемъ паче крыемыя дружбы, да не братоубийца кто вмѣсто братолюбца будетъ. И да познаемъ васъ благочестивыхъ и въ разумѣ премудрыхъ, яко обличеніе, по Соломону, токмо нечестивымъ бываетъ,—мозоліе изми, того ненавидятъ,—вамъ же, премудрымъ, дати вина и о томъ увѣрюемся не быти безъ пользы. О насть же, грубыхъ, да не подивите, аще не по васъ, но и противно вать чѣмъ глаголемъ; понеже пишеть Златоустъ: егда убо миримся о разрушеніи истины, прегрѣшно есть, рече, и неподобно зѣло, таковый бо миръ не пріиде Христосъ вложити, но противно паче; понеже бываетъ множицею и миръ на поврежденіе и далече божественные любви отгоняющъ. Зане пишете и глаголете къ намъ на пресѣченіе всего православнаго христіанства, яко бы Господу глаголющу, по вашему толку, горе непразднымъ и доящимъ, за смыщеніе по крещеніи женамъ съ мужами, въ тия дни. Но нѣсть сіе тако. Аще случится прійти на нихъ и Страшному суду, якоже самъ сый Христосъ во святомъ Евангеліи Лукою и Матеемъ благовѣстить: глаголю вамъ, въ ту нощь будета два на ложѣ единомъ; и единъ поемлется, а другой оставляется; тогда два будета на селѣ: единъ поемлется, а другой остается; двѣ мелюпѣ въ жерновахъ: едина поемлется и едина оставляется. Явѣ бо отъ сего разумѣваемъ, рече Златоустъ, яко раби и жены не повреждаются ничимъ, аще хотять добродѣтельны быти,—елицы на селѣ, сирѣчь въ мірѣ семъ обрѣтаются, аще препростія и неучени, и не племенити⁵⁾ родомъ же и богатствомъ, славни и неславни, ови праведни, ови же неправедни; и праведни убо пріемлются, неправедни же оставляются во огни и мукахъ; мелю-

¹⁾ 1691₁: о сихъ, иже аще и даютъ

²⁾ 1691₂: иначо

³⁾ 1691₁, 1691₂: бѣдныхъ и посему къ вамъ грубыхъ словесъ

⁴⁾ 1691₁: покрыти. 1691₂: прикрыти

⁵⁾ 1691₁: не именити

щіп же—суть множество женъ, обаче¹⁾ и души, пріемшіи порабощенія яремъ, и, еже въ немоющі²⁾, скончаша житіе: суть бо жены неправедни и праведни, живущіи бо, рече, о Господѣ,—на облацѣхъ возмутся на воздухъ и всегда съ Господомъ будуть; нечестивыхъ же поженуть³⁾ огнемъ неугасимымъ. Сего ради и Павелъ глаголеть: аще который братъ жену имать невѣрну и тая соблаговолить жити съ нимъ, да не оставляетъ ея, и жена, аще имать мужа невѣрна, и той соблаговолить жити съ нею, да не оставляетъ его. И наказуя жену о сихъ, Златоустъ толкуетъ: да не боится жена, яко нечиста быти за смѣшеніе; есть нечистъ идолослужитель, но жена нѣсть⁴⁾ нечиста; аще убо пріобщалася бы ему о томъ, въ немъ же нечистъ бѣ, глаголю же въ нечестіи, имише и та нечиста быти; нынѣ же инако: убо нечистъ есть идолослужитель, въ иной же вещи пріобщается ему жена, въ ней же нѣсть нечистъ; бракъ бо есть и смѣшеніе тѣлесъ, въ немъ же пріобщеніе. О блуднѣй же женѣ нѣсть оглашаемъ изгоняй ю мужъ; здѣ же аще и идолослужительница жена, мужу праведное не погибаетъ; и чада ваша свята суть.

Вы же, о возлюбленніи, пишете на сихъ зѣло неправедно, якобы богословцемъ отцемъ впреки сопротивляющимъ апостолу и Златоусту и вѣщающимъ о таковыхъ, яко имущія во чревѣ разсядутся. Но той паки вселенскій Златоустъ, аки исходя къ вамъ, о сихъ и отвѣтъ за христіаны творить, сице глаголя: и блаженства же, иже отъ Христа, не инокамъ токмо речена суть, рече, зане вся вселенная погибла бы и оклеветали бы⁵⁾ суровство Божіе; аще же блаженства иночествующимъ токмо речена суть, а мірянину невозможно исправити я, той же бракъ попусти, убо той вся и всѣхъ погуби. Аще бо немощно съ бракомъ, яже иночествуюшихъ творити, вся погибша и растлившася и въ тѣсное затворена суть яже добродѣтели. Како же и честенъ бракъ, толико возвраняемый⁶⁾ намъ? Что убо есть рещи? Мощно, рече, и зѣло мощно и жены имущимъ добродѣтель проходить, аще восходещь. Како? Аще, имуще жены, аки неимущи будемъ; аще не радуемся о стяжаніихъ; аще міра употребляемъ аки неупотребляюши. Аще же нѣцы преткнувшаяся отъ брака, да вѣдять, рече, яко не бракъ бысть преткновеніе, но произволеніе, злѣ употребившее брака. Зане вино ниже творить піянство, но злое произволеніе и еже чрезъ мѣру употребляти. Якоже и о сихъ глаголется: горе

¹⁾ 1691.. 1691₂; а наче

²⁾ 1691.. 1691₂; вземлющи

³⁾ 1691.. 1691₂; пожгуть

⁴⁾ 1691.. не есть

⁵⁾ 1691₂; быхомъ

⁶⁾ 1691₂; возвраняй

бо, рече, во чревѣ имущимъ тогда, яко немогущимъ бѣжати, бременемъ чрева отягчаеми; доящіи-же, милюющіи чада, не могуще ихъ носити и спастися съ ними, не могуте и оставити. А не якоже вы глаголете: за смѣшніе ихъ погибаютъ купно съ ними. Такоже аще и преподобный Ефремъ пишеть: когда издхнутъ¹⁾ младенцы на лоцѣхъ матернихъ, умрутъ же и матери верху отрочатъ, тогда умрутъ отецъ и мати съ чады вкупе; но и то умертвіе ихъ не тѣлесное, но душевное. И индѣ сказуетъ Писаніе, еже умершихъ вѣрныхъ невѣріемъ, міролюбіемъ и покороніемъ князю тьмы вѣка сего. А еже кому изволено бысть спряженіе, къ тому пишеть Златоустъ, со умѣреніемъ брака употребляй и первый въ царствіи будеши и всѣхъ насладишися благихъ. Аще ли невѣрный отлучается, да разлучится. Како же невѣрный разлучается? Сирѣчь аще повелѣваетъ ти жрети и пріобщатися того нечестія ради брака, или обратится вспять: лучше расторгнутися браку, а не благочестію, тѣмъ же наведе, не поработися братъ или сестра въ таковыхъ.

Видите ли, о возлюбленніи, когда и чего ради той бракъ ихъ расторгается? Не бо святымъ крещеніемъ разрушается²⁾; ниже за крещеніе свое жена отъ мужа разлучается; но како же есть? Аще, рече, невѣрный разлучается³⁾, сирѣчь аще, рече, повелѣваетъ ти жрети и пріобщитися того нечестія ради брака, или обратитися вспять: лучше же, рече, расторгнутися браку, а не благочестію. Тако бо и сами апостоли иѣкогда,—Павелъ отъ Нерона, Андрей отъ Реафа⁴⁾ и Єома отъ Миздія, за разлученіе женъ отъ мужей, пострадаша, якоже о нихъ пишеть Іосифъ Волоцкій; яже выше и Златоустый здѣ толкуетъ, глаголя: лучше расторгнутися браку, а не благочестію, и Павелъ глаголетъ: не поработибося братъ или сестра въ таковыхъ. Аще на каждо день, рече Златоустъ, біеть и брані подаетъ, сего ради лучше свободитися. Сie бо назнаменуетъ глаголай Павелъ: въ мирѣ же призыва насъ Богъ. Онъ бо прочее вину подаде⁵⁾, якоже и соблудивый.—Сie же вамъ свидѣтельство приносимъ, о возлюбленніи,—небо о иже, по Златоусту, никогда же сшедшіхся, но о сшедшіхся уже,—да не будетъ вамъ глаголати: аще кто похожеть⁶⁾ взять и нынѣ невѣрную, да еще еретическимъ бракомъ совокупитися, и, посему де, возможно имъ будетъ смышатися.

Ни убо,—о сихъ бо инаковъ указъ изъ книги Матея

¹⁾ 1691₁: издхнутъ. 1691₂: тогда издхнутъ.

²⁾ 1691₁: расторгается

³⁾ 1691₂: но како... разлучается—нѣтъ.

⁴⁾ 1691₁: Графа

⁵⁾ 1691₁, 1691₂: подаде къ расторженію

⁶⁾ 1691₁: восхощетъ

Іерусалимского¹),—счиненіе по составѣхъ, объятіе всѣхъ винъ людскихъ, листъ 98²),—еже онъ пишетъ: 72-е шестаго собора сице уставляетъ: не лѣтъ буди да православенъ мужъ женѣ еретицѣ совокупится, ниже убо еретику мужеви жена православная да соопрягется. Но аще и явится что сицево, отъ котораго бы бываемо, не твердъ менити бракъ и беззаконное разрѣшати сожительство; не подобаетъ несмѣшная смѣшати, ниже со овчатемъ волка соплетати и Христовъ части грѣшныхъ жребій. Аще же преступить кто отъ настъ установленная, да отлучится: аще бо по градскому закону бракъ уставляется общеніе и наслѣдіе, божественные и человѣческія, како сосложатся другъ ко другу, иже большими разнствуютъ, душевнымъ усвоеніемъ сопротивно мудрствующе о вѣрѣ? Тѣмже и по разрѣшениіи неприкладнаго брака, и отлучитися приступающимъ сподобляеть. Но сія убо онъ же брачнѣ нынѣ³) быти совокупляющихся, иже единой убо странѣ еретическимъ прилежати преданіемъ, другой же православною держащейся вѣрою. Аще ли же и обѣ части, рече, егда брачнѣ сидошася, исперва православныхъ отчуждени бяху части, также овъ убо поана истину, другое же еще тымъ нечестія работаетъ,—не сего ради сожительство разрѣшается, якоже къ Коринѳомъ великий уставляетъ Павель. Аще бо волить, рече, съ невѣрными жити вѣрная, или сопротивъ паки вѣрный съ невѣрною, да не разлучается; святить бо ся мужъ невѣренъ о женѣ вѣрнѣй, и сопротивъ паки. Обаче, зри, како⁴) и божественный апостоль, снисхожденіе творя, аще волить, рече, вѣрная часть жити съ невѣрною; якоже не волить, безъ сомнѣнія, бракъ да разрѣшится. Уповающе⁵), яко начала ради бяху сія и начатокъ проповѣданія. Понеже зѣло мужи крамоляху тогда, того ради и жена, аще, пишетъ, имать мужа невѣрна, и той благоволить жити съ нею, да не оставляетъ его. Не просто же спрѣбываеть невѣрному пишеть Златоустъ, но хотящему; тѣмже рече Павель: и той соблаговолить жити съ нею, и къ женѣ: что бо вѣси, жено, аще мужа спасеши? Сіе паки стягається къ еже: да не оставляетъ его. Аще бо не крамолуетъ, пребывай, рече; имать бо пріобрѣтеніе⁶): пребывай и поучай, и совѣтуй и увѣщарай; ни единъ бо сице учитель укрѣпити возможеть, яко жена. И ниже нужду возлагаетъ ей всячески и истязуетъ отъ нея вещь, да не паки тяжчайшую содѣлаеть, ниже отчаятися повелѣваетъ, но оставляетъ ю въ недоумѣніи, висящую неявленіемъ будущаго, глаголай: что бо вѣси,

¹) На полѣ: Мате. ир. 275.

²) 1691: 28. 1691: 93.

³) 1691: но сія уже о иже брачнѣ позиції

⁴) 1691: паки

⁵) 1691: уповаю же

⁶) 1691: пріобщеніе

жено, аще мужа спасеши? Подобная къ симъ и къ мужу пишеть: аще который братъ жену имать невѣрну и таіжъ благоволить жити съ нимъ, да не оставляетъ ея; аще и идоло-служительница жена, мужу праведное не погибаетъ; и что вѣси, мужу, аще жену спасеши? Того ради и пишеть Златоустъ: который бо, рцы ми, вредъ, егда и яже благочестія пѣлая пребывають, и надежды будуть благія о невѣрномъ.

А еже днесъ имящее: како есть мощно іудеину¹⁾ или агарянину²⁾ крещущая или крестившейся съ невѣровавшимъ (жити), къ нимъ же якобы уже и моленіе и совѣтъ многъ быше пріяти благочестіе? Пишеть Матвій Іерусалимскій: яко же, рече, и при патріарсѣ бысть Феодотѣ, присковичарь бо царскій всяко патріаршескимъ, рече, писменемъ распустится съ женою, непокоряющеюся мужеви, много молящаяся благочестіе пріяти. Слышите, о возлюбленніи, что и Матвій глаголаетъ: „Съ женою, непокоряющеюся мужеви, много молящаяся благочестіе пріяти“: таковымъ и патріархъ Феодотъ токмо уже бракъ распрызаетъ; къ прочимъ же, имъ же спряженнымъ бывшимъ и пребывающимъ въ вѣрѣ пишетъ апостолъ: да пребудутъ въ надеждѣ спасенія своего,—обручихъ бо вѣсть, рече, единому мужу, дѣву чисту. Оле, новыхъ вѣщей!—пишеть Златоустъ: въ мірѣ семъ дѣвы пребывають прежде брака, по брацѣ же не ктому; здѣ же не тако; понеже обученія есть времѧ—настоящее времѧ, будущее же—брака. Но аще и не суть дѣвы прежде брака сего, послѣ брака дѣвы бывають. Тако вся церковь дѣва есть. Ибо, ко всѣмъ бесѣдуя, сія глаголетъ и къ мужу, и женамъ посягшымъ; но видимъ, что на Ся обручилъ есть ны. Которое вѣно? каковы и дары? Не злато, не сребро, но царство небесное. Тѣмъ же и глаголаше: о Христѣ молимъ,—и молить, егда невѣсту хотяше взяти,—сего образъ бяху,—яже при Авраамѣ; ибо онъ отрока вѣрного послана обручити отроковиду языческую. И здѣ послана Богъ рабы своя, обручающія Сынови церковь,—пророки свыше сія глаголющія: слыши дщи и виждь, и забуди³⁾ люди Твоя и домъ Отца Твоего и вождегдѣеть царь добротѣ Твоей. Видѣлъ ли еси и пророка обручающа: виждь и апостола со многимъ дерзновеніемъ сей глаголъ вѣщающа и глаголюща: обручихъ васъ единому мужу, дѣву чисту,—преставити Христу. Христосъ же глаголетъ: аминь, глаголю вамъ, яко не имать прейти родъ сей, дондеже вся сія будутъ. Родъ рече—не тогда сущій, но родъ весь христіанскій, вѣрный; вѣсть бо и родъ отъ единонравія именовать Писаніе: яко сей родъ ищущихъ Господа. Понеже мятежи и рати, и измѣненію рече быти стихіямъ и вещемъ⁴⁾,

¹⁾ 1691. 1691₂: іудейнику

²⁾ 1691. 1691₂: татаренину

³⁾ 1691. 1691₂: и не забуди

⁴⁾ 1691: быти вещемъ

да не пшують иѣцы, яко егда христіанство разорится? ни, рече: не прейдетъ бо родъ сей христіанскій, небо и земля измѣнится, слова же Моя и Евангеліе Мое не разорится, но пребываютъ. Аще и вся движутся, но о мнѣ вѣра не скудѣтъ. Являеть здѣ, яко церковь чистѣйшу имать всѣхъ тварей; ибо аще и тварь измѣнится, вѣрныхъ же церкви, и слова ея и Евангеліе никогда же.

А еже вы, о возлюбленніи, писали есте на отсѣченіе брака, яко и пророкомъ де оплакующимъ жениха и невѣсту, яже при посѣденіяхъ временѣхъ; и апостолу глаголющу: въ вавилонское де разореніе гласъ жениха и невѣсты не услышится ктому въ тебѣ. И аще въ человѣцѣхъ на женихи сія глаголете, то зѣло несогласно съ святымъ Евангеліемъ пишете; понеже въ томъ темномъ и падшемъ Вавилонѣ не токмо не услышится гласъ тѣхъ жениховъ, но, яко же во дни Ноевы, тако будетъ и во дни Сына Человѣческаго: ядяху, піаху, женяхуся, посягаху, до него же дне вниде Ной въ ковчегъ и пріиде потопъ и погуби вся. Тако же ¹⁾ будетъ и въ день, въ онъ же Сынъ Человѣческій явится. Что же суть: и гласъ жениха и невѣсты не имать слышанъ быти въ тебѣ ктому? О семъ толковники явѣ отъ апостола возвѣщають: Христосъ есть женихъ всякой души, вѣрующей во имя Его и творящей волю Его, ею же Себѣ возлюбилъ, ея же ради первымъ пришествіемъ Своимъ и съ небесъ на землю сошелъ; Той же есть и свѣтъ миру и свѣтильникъ въ темномъ Вавилонѣ, просвѣщающе свѣтомъ заповѣдей своихъ всякаго грѣшника. И гласъ сего Жениха, аще и исходитъ въ ушеса разбойника и блудника: пріидите ко мнѣ вси обремененіи грѣхъ вашими и Азъ покою вы, понеже ярмо діавольской работы и тягости отъиму отъ выи ваше,—но не услышится гласъ Его. Такожде и гордымъ ²⁾ и гнѣвливымъ гласъ Жениха, аще и исходитъ: пріидите ко мнѣ и научитесь отъ Мене, яко кротокъ есмъ и смиренъ сердцемъ и обрящете покой душамъ вашимъ; аще грѣшни есте, но не побѣждаетъ Мя бездна грѣховъ вашихъ; всѣмъ бо обратившимся ко мнѣ и покаявшимся иго Мое благо и бремя Мое легко есть,—но не слышится гласъ Его, зане своимъ произволеніемъ удалилися за діаволомъ и возлюбили прелестъ его, и тому служатъ и волю его творятъ; и того ради въ день Страшнаго суда и въ конецъ отымется гласъ Жениховъ отъ уиалаго и темнаго Вавилона, и къ тому уже милосердія Божія или призванія на браки, свѣтильника свѣта, пресвѣтлаго лица Его, не узрить въ вѣки; и гласъ Жениха, такъ и невѣсты не имать слышанъ быти; понеже возвратятся грѣшницы во адъ и всѣ языцы, забывающіи Бога. Аще и глаголати будутъ: Господи, Господи, не вѣси ли насъ,—Ты насъ создалъ еси; Ты отъ

¹⁾ 1691. 1691: По тому же

²⁾ 1691: къ гордымъ

четырехъ составовъ содѣйствовалъ еси, насъ счетавъ: Ты души въ насть вложилъ; Тебѣ вѣровахомъ, Тя Бога исповѣдахомъ, Тебе познахомъ Содѣтеля, о Тебѣ знаменія сотворихомъ, Тобою бѣси изгнахомъ; Тебе ради дѣвствовахомъ, дѣвство сохранихомъ, и плоть испущахомъ¹⁾; Тебя ради чистоту возлюбихомъ; Тебя ради пришельцы на земли быхомъ, и глаголеши: не вѣмъ васъ, отъидите отъ Мене. Тогда отвѣщаетъ къ нимъ, глаголя²⁾: исповѣдасте мя Владыку, но словесемъ Моимъ не покористеся; знаменіемъ креста Моего знаменастася, но то немилосердіемъ безъ вѣсти сотворихомъ; крещеніе Мое пріясте, но заповѣди Моя не сохранисте, тѣло дѣвствомъ изнуристе, но милостыни не имѣсте, о имени Моемъ бѣсы изгнасте, но братоненавистіе³⁾ отъ вашихъ душъ не отринусте. И такъ потомъ отъидутъ въ вѣчную муку, и глашать ихъ не услышится во вѣки.

И по сихъ словесѣхъ къ вамъ, о любезніи, въ любовь склоненіе являемъ, къ тому и молчаніе да покажемъ, вѣдая ваше въ постничествѣ свершеніе и во учительствѣ изрядное остроуміе. Аще же и изглаголася отъ васъ, но вѣмы, откуду вамъ прилучися: сими⁴⁾ бо уже безстрастни есте, таковыхъ и другихъ хотяще быти, яко же и ректо Писаніе: всяко бо животное любить себѣ подобное. Но добро вамъ, любезніи, аще и таковы есте, но о себѣ глаголати, аще и съ дерзновеніемъ: по апостолу, хотящу⁵⁾, да вси человѣцы будутъ якоже и азъ—сему и мы, аще и многогрѣшни есмы, совѣтуемъ. О прочихъ же должно бы со апостоломъ и вамъ глаголати, да каждо свое дарованіе имать, овъ сице, овъ же сице; или гдѣ по случаю и къ симъ: что бо вѣси жено, аще мужа спасеши и что вѣси, мужу, аще жену спасеши? Точію коемуждо яко раздѣлилъ есть Богъ, каждо, якоже призванъ Господемъ, тако да ходить. И да не помышляйте, возвлюбленніи, искусъ нѣкій быти или ласканіе, яже нами реченная. И аще ли не сице сія вся, и вы къ намъ о сихъ посланіе утвердите, да увѣмы вами, яже не тако глаголанная нами.

И здравствуйте о Господѣ, всечестніи отцы.

Сообщилъ проф. П. Смирновъ.

¹⁾ 1691: дѣвство сохранихомъ, о Тебѣ плоть испытахомъ. 1691: плоть истаяхомъ.

²⁾ 1691: отвѣщаетъ и Той къ нимъ; 1691: отвѣщаетъ и Той къ нимъ; глаголя.

³⁾ 1691: но заповѣди Моя не сохраняете, но братоненавистіе

⁴⁾ 1691: сами

⁵⁾ 1691: хочу



САНКТ-ПЕТЕРБУРГСКАЯ ПРАВОСЛАВНАЯ ДУХОВНАЯ АКАДЕМИЯ

Санкт-Петербургская православная духовная академия — высшее учебное заведение Русской Православной Церкви, готовящее священнослужителей, преподавателей духовных учебных заведений, специалистов в области богословских и церковных наук. Учебные подразделения: академия, семинария, регентское отделение, иконописное отделение и факультет иностранных студентов.

Проект по созданию электронного архива журнала «Христианское чтение»

Проект осуществляется в рамках компьютеризации Санкт-Петербургской православной духовной академии. В подготовке электронных вариантов номеров журнала принимают участие студенты академии и семинарии. Руководитель проекта — ректор академии епископ Гатчинский **Амвросий** (Ермаков). Куратор проекта — профессор по научно-богословской работе священник Дмитрий Юрьевич. Материалы журнала готовятся в формате pdf, распространяются на DVD-дисках и размещаются на академическом интернет-сайте.

На сайте академии
www.spbda.ru

- события в жизни академии
- сведения о структуре и подразделениях академии
- информация об учебном процессе и научной работе
- библиотека электронных книг для свободной загрузки